

光緒山西通志

府州廳縣考八 考一之八 山西通志第三十

馮進士出頭品頂戴兵部侍郎兼都察院右副都御史巡撫山西提督軍務張烈奉旨監修

歸綏道

歸綏道全屬

歸化城廳

綏遠城駐防理事廳附

薩拉齊廳

豐鎮廳

清水河廳

托克托廳

甯遠廳

和林格爾廳

歸綏道全屬

分巡歸綏兵備道治歸化城

轉撫民同知廳三

歸化城廳

綏遠城別設理事同知

薩拉齊廳

豐鎮廳

撫民通判廳四

清水河廳

托克托廳

甯遠廳

和林格爾廳

禹貢冀州之北境三代並北翟所居戰國趙武靈王破林胡樓地自代並陰山西至九原築城河曲名曰雲中秦因之置郡漢高帝六年以雲中雁門代郡五十三縣爲代國十一年以代之雲中以西爲雲中郡十二年分雲中置定襄郡武帝元朔二年以秦九原地立五原郡今道爲雲中郡之雲中咸陽陶林植陵懷和沙陵原陽北與武泉陽壽十縣定襄郡之成樂桐過武進襄陰武舉駱武成武要定襄九縣及五原郡之臨沃稠陽雁門郡之沃陽彊陰諸縣地並屬并州東境兼得代郡之且如縣地別屬幽州其雲中郡治雲中領縣十一王莽改爲受降在今托克托廳東定襄郡治成樂領縣十二王莽改爲得降在今和林格爾廳北而雲中中部郡尉治北

與則今道治之歸綏二城也後漢盧芳之亂邊郡並廢建武

二十五年南單于降二十七年復置郡並屬并州省雲中郡

之陶林嶺和陽壽以定襄之成樂武進定襄三縣來屬仍治

雲中領十一縣而徙定襄郡治於雁門之善無百今右玉縣

前漢雁門郡首治省襄陰武舉武要諸縣其桐過駱武成三縣屬

又省五原雁門代郡之稠陽沃陽且如三縣餘屬如故漢末

荒廢建安二十年立新興郡於太原界併爲雲中及九原定

襄三縣隸焉新興郡治九原今新州雲中在今寧縣西南定襄今定襄

史記趙世家武靈王二十六年獲地西至雲中九原又匈

奴傳趙武靈王北破林胡樓煩築長城自代並陰山下至

高關爲塞而置雲中雁門代郡案高關在烏拉特旗西北山黃河北流折東處

水經注白渠水西北逕成樂城北郡國志曰成樂故屬定

襄也魏土地記曰雲中城東八十里有成樂城今雲中郡

治一名石盧城也

案白渠水今黃水河蒙古名西拉烏蘇昔經和林格爾廳北二十里土城之北

西流入托克托白渠水又西南逕雲中故城南故趙地虞氏記

云趙武侯自五原河曲築長城東至陰山又于河西造大

城一箱崩不就乃攻卜陰山河曲而禱焉畫見羣鶴遊於

雲中徘徊經日見大光在其下武侯曰此爲我乎乃卽於

其處築城今雲中城是也秦始皇十三年立雲中郡王莽

更郡曰受降縣曰服遠矣

案今黃水河自托克托廳東五十家子村北流入黑河古雲中

城在遼東四十里黑黃二水間又武泉水南流又西屈逕北興縣故城南

按地理志五原有南興縣王莽之南利也故此加北舊中

部都尉治十三州志曰廣陵有輿故此加北疑太疎遠也

其水又西南入芒干水

案武泉水今小黑河經歸化城焉十里又西南流入大黑河卽古芒

干水也

謹案漢雲中郡十一縣惟沙南一縣在河西定襄郡  
十二縣後漢併省其半武都安陶復陸三縣絕無可  
考以地勢論之本析雲中東境南境以置郡者此三  
縣與襄陰當在雷遠以北歸化以東察哈爾牧廠鑲  
紅鑲蓋兩旗界內矣

晉皆不置城邑北魏始祖拓跋力微於魏甘露二年始徙  
居盛樂郡成晉永嘉四年并州刺史劉琨表封力微孫猗盧  
爲代公進爵爲王始城盛樂爲國都道武帝天興元年徙都  
平城置司州定京邑西至河北至王原爲畿內始於盛樂置  
雲中郡太武時改爲鎮又置懷朔武川二鎮於雲中北境立  
朔州以統之而皆不領縣孝文遷洛改司州爲恆州肅宗復

改懷朔鎮爲朔州而於舊朔州置雲州仍治盛樂今道爲雲州之盛樂雲中建安真興四郡朔州之廣甯神武二郡恆州之梁城郡及代郡之永固善無郡之沃陽二縣地孝昌之亂恆州寄治秀容郡雲朔二州寄治并州界

魏書地形志雲州舊置朔州後陷永昌中改

案永昌寄

治并州界領郡四縣九盛樂郡領縣二歸順永興中置州

郡治還安永熙中置雲中郡領縣二延民永興中置雲陽

永熙中置建安郡領縣二永定永樂真興郡領縣二真興

建義南恩並永熙中置

案諸郡並寄治今文水縣東

朔州本漢五原郡

延和二年置爲鎮後改爲懷朔孝昌中改爲州後陷今寄

治并州界領郡五縣十三廣甯郡領縣二石門中川神武

郡領縣二尖山殊頽

案二郡並寄治今壽陽縣西北

恆州天興中置司州

治代郡平城太和中改孝昌中陌天平二年寄治秀容郡

城領郡八縣十四代郡善無郡梁城郡並天平中置

善無案代

二郡寄治今忻州梁城寄治今定襄縣又案梁城郡水經注作涼城領參合旋鴻二縣志作祇鴻誤其代郡之永固善無郡之沃陽並見水經注亦非天平中始置也 官氏志緣邊皆置鎮都大將

統兵備與刺史同城隍倉庫皆鎮將主之神鼎元年詔諸

鎮大將依品開府 食貨志天興中制定京邑東至代郡

西及善無南極陰館北盡參合爲畿內田

元和志道武帝建都東至上谷

軍部關西至河南至中山臨門塞北至五原地方千里以

邊句服宋太武其君七年築畿上塞圍起上谷西至河從

廣千里是今歸綏一帶未置朔州以前當時皆隸司州爲畿內地矣 方輿紀要盛樂城漢置成樂縣爲定襄郡治後漢改屬雲

中郡後廢鮮卑拓跋力微始居其地晉元康五年拓跋祿

官始分其國爲三部一居上谷之北濡源之西自統之一



居代郡參合陂之北使兄沙漠汗之子猗弋統之一居定襄之故城使猗弋弟猗盧統之建興初猗盧城盛樂以爲北都其後爲石虎所敗部族東徙至拓跋騎槐於咸康初復城盛樂而居之弟什翼犍於咸康六年始都盛樂之雲中宮明年築盛樂城於故城南八里卽漢之成樂縣地也又晉紀太元十一年拓拔珪徙居定襄之盛樂蓋前此遷徙於雲中代郡間未有定居也亦曰雲中宮魏土地記雲中宮在雲中故城東四十里義熙九年魏主嗣如雲中舊宮蓋是時都平城故謂盛樂爲雲中宮魏主燾始光年柔然入雲中攻拔盛樂宮魏主擊卻之孝文遷洛後於定襄故城置朔州領盛樂廣牧二郡太和十八年至朔州是也

案太平記二郡作二縣誤

正光元年元彧討破六韓拔陵頓於朔州是

年詔改懷朔鎮爲朔州更命朔州曰雲州亦謂之雲中李崇爲破六韓拔陵所敗自白道還雲中旣而復自雲中引兵還平城曰雲中者白道之衝賊之咽喉若此地不全則并肆危矣乃請留費穆爲雲州刺史旣而北境皆沒惟雲中一城獨存久之乃棄城南奔土地記雲中城東八十里有成樂城今雲中郡治一名石盧城魏收志永熙中置盛樂郡爲雲州治所卽此 武川城魏六鎮之一也北史魏主燾破蠕蠕列置降人於漠南東至濡原西暨五原陰山竟三千里分爲六鎮曰武川曰撫冥曰懷朔曰懷荒曰柔元曰禦夷孝文太和八年高閼請依秦漢故事於六鎮之北築長城云計六鎮東西不過千里胡氏謂以千里計之六鎮相距各一百七十許里是也杜佑曰後魏六鎮並在

馬邑雲中單于府界其武川鎮在白道中溪水上隋書字

文述代郡武川人後或廢爲縣也案郡字衍北史列傳唐皆作代武川人可證

志魏武川城今名黑城在天德軍北二百里未足據元和志武

川城今名黑城後魏六鎮從西第三鎮在軍北三百里白

北出石門障即光祿城右入匈奴大路案此鎮初置山後

景到中葉城於白道中溪則在今歸化城西北元和懷

志求核如所言尚在懷朔鎮以北矣與水經注不合懷

朔城今榆林鎮故豐州也杜佑曰在朔州北五百餘里漢

五原郡也後魏六鎮之一孝文帝太和十八年如懷朔鎮

又如武川鎮如撫冥鎮後如柔元鎮胡氏以爲此六鎮自

西徂東之次第正光四年沃野鎮民破六韓拔陵叛其黨

衛可孤圍武川鎮遂攻懷朔鎮既而武川陷懷朔亦潰孝

昌中改置朔州併置大安郡其後荒棄以朔州寄治并州

界案漢五原在河北顧氏以榆林之故豐州當之乃隋以來之五原郡也誤

謹案元和太平二志並以朔州爲孝文所置而據魏

書列傳司馬楚之及子金龍寶龍並以雲中鎮將兼

朔州刺史在世祖時唐契子崇爲盛樂太守在高祖

時是州郡建置皆不始於太和或太和遷洛不無小

有更移兩書未詳覈也

如雲中郡本治盛樂既名爲盛樂郡則雲中郡當移其西

四十里之雲中宮矣而水經注仍以盛樂爲雲中郡也

太平記朔州領盛樂廣

牧二郡廣牧本漢朔方屬縣北魏置郡兼領富昌

列傳斛律斯勝廣牧富昌入案富昌漢屬西河郡今鄂爾

多斯全翼前旗地廣牧今右翼後旗是當時套內濱

河之地皆其後改縣同於五原地形志五原廣牧並

爲所隸朔州地近懷朔而與盛樂合爲一屬意刺史所部兼

及武川懷朔二鎮故孝昌改朔州爲雲州以懷朔爲

朔州中分爲治畫界不甚齊一以今地勢考之懷朔

在烏拉特部北武川在茂明安部南撫真柔元則喀爾喀右翼四千部落地皆與歸綏接壤武川又直在界內矣其雲州所領之建安真興朔州所領之太安廣甯神武太平附化諸郡大半皆僑治時所立名義相同惟廣甯之石門中川神武之尖山殊頽諸縣以水經注證之則石門卽石門障也中川卽白道中溪也殊頽卽吐頽山樹頽水也僑治之縣固多虛張然必先有本治之地而後僑治始因之得名之數縣者其地多近雲州而隸之朔州者亦隋唐勝州兼有河東地之緣起也

隋初置榆林關於陽壽縣立榆關總管府尋改雲州總管領陽壽油雲榆林富昌四縣其後居突厥於大利城徙雲州總

隋治之廢陽壽油雲二縣改置金河縣隸勝州仍帶關大業初府廢改雲州爲定襄郡治大利縣以金河縣隸榆林郡兼得馬邑郡雲內縣地

隋志定襄郡開皇五年置雲州總管府大業元年府廢統縣一大利大業初置帶郡有長城有陰山有紫河又榆林

郡開皇二十年置勝州統縣三榆林開皇六年置大業初

置郡富昌開皇十年置案二縣在河西金河開皇三年置日陽壽

又置油雲縣又置榆關總管五年改置雲州總管十八年

改陽壽曰金河二十年雲州移二縣俱廢仁壽二年又置

金河縣帶關 帝紀開皇十九年十月以突厥突利可汗

爲啟民可汗築大利城處其部落

謹案隋置榆林關於金河縣立總管府爲榆關總管

後改雲州總管其州與縣蓋不同城太平記闕在榆  
林縣東北四十里南臨河開皇三年於此置城是也  
其時雲州領四縣油雲陽壽在河東榆林富昌在河  
西而州治則別在榆關二十年置勝州於榆林徙雲  
州於大利城而廢油雲陽壽其時河西仍二縣河東  
不復置縣洎仁壽中改置金河大業初更立大利其  
時河東仍爲二縣而金河不屬定襄而屬榆林者意  
啟民可汗方居雲中介在二郡之間東西相推藉爲  
箝制然卒無補於雁門之變史稱煬帝自榆林徙金  
河而東北幸啟民所居啟民扈從至定襄遣還知其  
時又不居大利城矣

唐貞觀四年平突厥仍置雲州十四年移雲州及州治之定

襄縣於恆安鎮今大而於突厥故居左置定襄都督府右置雲中都督府分統突厥州永徽元年置雲中都護府龍朔三年分定襄置柔乾都督府麟德初徙瀚海都護府合於雲中改爲單于大都護府垂拱二年罷爲鎮守使所領府州並僞治夏州界景雲二年置東受降城開元八年復置單于都護府天寶四年於府內置金河縣移振武軍於受降城乾元元年置振武節度領單于都護府及麟勝二州廣德元年罷節度大曆十四年復置元和十五年徙受降城於綏遠烽會昌元年併單于府於安北都護府其振武軍治金河隸關內道如故五代初地陷於遼

唐書地理志河東道雲州雲中郡下都督府貞觀十四年

自朔州北定襄徙治定襄縣

一統志在大同府西北二十八里案此爲大同名定



襄之始開元十八年復改置雲關內道東受降城景雲三

年朔方軍總管張仁愿築寶厯元年振武節度張惟清以

東城濱河徙置綏遠烽南案元和志東受降城本漢雲中

武節度賈耽地道圖雲中城西五十里有綏遠城榆林節

勝州治是元和時李吉甫作志城已徙於綏遠又據唐書

張惟清為節度在元和單于大都護府本雲中都護府龍

朔三年置麟德元年更名縣一金河中天寶四年置本後

魏道武所都有雲伽闕案志不詳關內道突厥州十九府

三定襄都督府貞觀四年析頡利部為二以左部置僞置

甯朔領州四阿德州執失州蘇農州拔延州隸夏州都督

府內二州貞觀二十年雲中都督府貞觀四年析頡利右部

置僞治朔方境領州五合利州阿史那州綽州思壁州白

登州內三州貞觀二十三年分諸部置桑乾都督府龍

登州貞觀末隸燕然都護後復來焉

朔三年分定襄置僑治朔方領州四郁射州藝失州卑失

州叱略州

貞觀二十三年置郁射卑失二州初隸定襄後屬

呼延都督府貞觀二

十年置領州三賀魯州葛邏州跌

跌州

並貞觀二十三年置案唐志呼延

谷在中受降城北八十里

並隸單于大都護府

又有三州一府別隸安北都護

方鎮

表乾元元年置振武節度押蕃落使領鎮北大都護府麟

勝二州

案表云上元二年開內節度罷領單于都護與乾元置振武一時事而析爲二關內節度卽朔方節

度單于都護三受降城皆舊所領至乾元初置振武節度於單于府始罷領以屬振武節度也此鎮北字當作單于

廣德二年朔方節度復兼單于大都護罷振武節度大厯

十四年振武節度復領鎮北大都護府及銀綏二州東中

二受降城會昌元年改單于大都護爲安北都護

案單于府自此

廢表於會昌前有貞元十二年以振武軍之東中二受降城隸天德軍事時安北都護治天德軍也

元和志振武軍單于都護府城內天寶中王忠嗣置管兵

九千人馬一千六百匹

案天寶中王忠嗣徙振武軍於東受降城在單于府西南一百二十

里乾元元年置節度始移於府志於標目大書云單于大

都護今爲振武節度理所而序文更無一字及振武直云

東受降城在朔州北三百五十里本漢定襄郡之盛樂縣

也序目不相應已可怪金河縣下則云振武軍景龍二年

張仁愿於今東受降城置天寶四年節度使王忠嗣移於

此天德軍下又云東受降城本漢雲中地在榆林縣東北

八里東北至單于府一百二十里皆先後矛盾

太平記振武軍今理金河縣舊

爲單于大都護府卽漢定襄郡之成樂縣也在陰山之陽

黃河之北後魏所都盛樂縣也歷周隋或沒入蕃唐武德

四年平突厥於此置雲州案唐平突厥在貞觀四年云武

有貞觀二十年改爲雲州都督府案貞觀十四年雲州已

徙今大同安得此問復名雲州當爲雲中都督府或都護

府之謬而唐志雲中都督府置於貞觀四年雲中都護府

置於高宗亦不合樂史刪之是也後人反據元和志補此

書麟德三年改爲大單于府當依唐志作垂拱二年改爲

鎮守使聖歷元年改爲安化都督元和志作改置安化都

護唐志夏州有安化州都督乃回  
紇府若安北都護又未嘗治此  
開元七年割隸東受降

城八年又置單于大都護府後爲振武節度兼神策軍長

武城防秋兵馬使案今本爲振武金河縣唐武德四年於此

立都督府遂立此縣案此誤本書雲州下云貞觀十四年

縣於此則當時雲州都督所治乃定襄縣北有金河以爲

也記誤定襄爲金河又誤貞觀爲武德

邑稱天寶四年於城內置  
謹案今歸綏史所謂白道川也漢雲中郡在其西南

定襄郡在其東南相距八十里後漢以盛樂屬雲中

而定襄遂爲雲中地北魏建都置州而定襄又爲雲

中郡然言古雲中古定襄仍以前漢爲斷一東一西

唐時志家皆能辨之特其兩郡之地止金河一縣爲

府爲軍爲城又爲蕃州更徒無常記載互異而大要

單于府振武軍皆先在雲中後在定襄金河自治定襄未嘗他徙東受降城雖別徙而始終濱河不出雲中境突厥府州則襲河東之名實居河西之地茲一別之自隋建大利城以處啟民可汗弟始畢繼之頡利又繼之皆居是地唐擒頡利分故地爲二部左置定襄都督府右置雲中都督府領以酋長而統於雲州都督此初制也定襄府後分其部置柔乾府實字記雲州東至柔乾都督帳一百五十里又云鄯陽嶺在金河北貞觀十四年雲州南徙空其地以封阿史那思摩爲可汗明年思摩建牙定襄故城居三年以不能得衆入朝留宿衛其時阿史德居雲中部衆漸盛諸部府州當在所隸於是建雲中都護府高宗卽位車鼻就擒漠南增建狼

山一府於是改雲中都護府爲大單于府此後制也

突厥傳云始置單于都護府領狼山雲中桑乾三都

督蒙古游牧記狼山蒙古名綽農托羅海在烏拉特

東四十里則今薩拉齊廳之西北界也都督府不言定襄意承徵秋桑乾分部後蘇農等二十四州瀚

海都護府領金微新黎等七都督仙萼賀國等八州

麟德初改燕然爲瀚海都護府領回紇徙故瀚海都

護府於古雲中城號雲中都護府磧以北蕃州悉隸

瀚海南隸雲中阿史德爲部長建言願以諸王爲可

汗遙統之帝曰今可汗古單于也乃改雲中府爲單

于大都護府以殷王旭輪爲單于都護似由雲中徙

定襄而定襄爲單于府卽在此時及調露初溫傳奉

職二部倡亂骨咄祿默覈繼之旋降旋叛終武后世

代北驍然元和志垂拱間都護府改爲鎮守使聖歷元年改隸安北都護府似雲中桑乾二都督府倚治朔方亦在其時三受降城惟中城爲仁愿舊築開元初爲安北都護府治西城後徙天德軍東城後徙綏遠烽元和志東城東北至單于府一百二十里此舊城也在古雲中西南其云榆林縣東北八里則後徙也在古雲中西北榆林卽勝州治也故城在今托克托縣黃河西岸五里寰宇記去單于府一百二十里其振武軍本開元中朔方節度信安王祚擊破吐蕃攻拔之石堡城元宗賜名天寶時王忠嗣奏移於東受降城仍隸朔方至乾元初置節度始移於單于府而都護遂爲節度兼領之官王忠嗣傳併受降振武爲一城元和志單于大都護府今爲振武

軍節度理所是也至金河立縣亦在天寶四年與振武同時而爲治異與隋縣同名而爲地異蓋隋縣帶關近榆林唐縣別置於定襄天寶時但爲單于府治乾元初始兼爲振武軍治也而元和志誤振武爲張仁愿置在今受降城顧景范方輿紀要乃謂大厯八年府軍同治又謂東城卽在振武元和七年振武河溢城毀寶厯初城徙綏遠案元和志西受降城元和八年黃河泛溢城南而毀此影附爲東城又無論振武距河百餘里非汎溢所直以振武當東城及如所言則當時東城卽府軍縣治矣曾有河獨毀受降而都護振武金河均爲完區理乎

遼置豐州建應天軍尋改天德軍領富民振武二縣置雲內州建開遠軍領柔服甯人二縣並置東勝州不設縣領河西



之榆林河濱二縣又於南境置甯邊州亦不設縣置德州惟領郭下之宣德縣並隸西京道金升豐州爲總管府置天德尹後仍爲節鎮州省振武縣爲鎮別置天山縣立淨州爲豐州支郡省雲內州之甯人縣爲鎮別置雲川縣隸州省榆林河濱而置東勝縣爲東勝州治又置甯邊縣爲甯邊州治廢德州改宣德曰宣甯並隸西京路元隸大同路廢甯邊州悉省豐州雲內東勝諸州所領縣並爲下州而別置平地縣與宣甯同隸大同惟淨州仍治天山爲淨州路明洪武初州縣並廢置東勝五衛及玉林雲川鎮虜宣德四衛尋廢宣德而併東勝五衛爲左右二衛永樂元年並徙北直畿內宣德元年復故治仍置豐州及雲內縣正統中州衛又廢而徙玉林雲川於大同左右二衛徙鎮虜於天城衛邊以外悉棄之嘉

靖中蒙古察哈爾小王子之族諳達明史作俺荅築城於豐州灘  
分部駐牧隆慶中封順義王萬厯中名其城曰歸化城是爲  
西土默特

國朝天聰八年

太宗文皇帝親征察哈爾土默特部衆悉降後編爲二旗領以  
左右翼都統及四副都統雍正元年始設歸化城理事同知  
隸朔平府乾隆元年於城東北五里建綏遠城四年自右衛  
移建威將軍駐焉又設綏遠城理事同知分地爲五路增設  
協理通判分管六年設歸綏道駐城以二同知及歸化城和  
林格爾托克托薩拉齊清水河善岱昆都倫七協理通判隸  
之二十五年裁善岱昆都倫二協理其五協並改爲理事通  
判應二十七年復裁歸化城通判其左右翼都統副都統亦

以次裁留副都統一人駐歸化城同治四年改薩拉齊通判  
爲同知光緒十年以大同府分防豐鎮廳之理事同知朔平  
府分防甯遠廳之理事通判來隸自綏遠城設理事同知仍  
故制外並改爲撫民廳兼理事於是歸綏道領撫民同知廳  
三撫民通判廳四

歸化城同知廳 薩拉齊同知廳 豐鎮同知廳 清水

河通判廳 托克托通判廳 甯遠通判廳 和林格爾

通判廳

舊通志豐州考豐州在戰國屬趙秦九原漢五原地五

原郡城在榆林郡界

案此誤以隋唐之九原五原爲秦漢之故郡

後漢及魏

晉漸淪沒隋文帝時因舊永豐鎮改縣置州豐州之名  
始此煬帝廢州置五原郡唐貞觀四年以居突厥降戶

置豐州不領縣十一年州廢天寶中改九原郡領九原

永豐二縣景龍二年朔方軍總管張仁愿築三受降城

後唐改天德軍案唐乾元後改大安軍爲天德軍移治西受降城遂更名應天

軍復爲州領二縣富民縣本漢朔方郡臨戎縣有黑山

神山振武縣本漢定襄郡盛樂負陰山帶黃河卽元魏

所部也案以上皆本遼志自振武縣外悉以宋初攻契丹得之後沒於西

夏徙置府州地名曰甯豐在今陝西府谷縣北金初仍爲豐州領

縣二後改天德軍總管府大定中析豐州置淨州領天

山縣元復爲豐州舊有錄事司及富氏縣至元中以大

同平地縣入焉案入豐州在平地未設縣時明初置玉林雲川等衛

後棄於外今由右玉殺虎堡出口西北二百四十里爲

歸化城城東五十餘里藏經塔有金天輔中碑城中都

統署有元延祐中碑皆刻豐州據此則金元之豐州卽此歸化城左右隋唐之豐州五原本在河西遼乃改置河北遼志云豐州有大鹽澤九十九泉沒越深古磧口非豐州故地也歸化城東北有水名豐灘繞城而西曲注黃河 勝州考勝州戰國趙地秦爲雲中九原漢爲雲中五原史記秦卻匈奴樹榆爲塞州南故有榆溪塞隋初置勝州治榆林縣勝州之名始此煬帝廢州置榆林郡唐爲勝州榆林郡領縣二榆林縣卽漢沙南縣地有故雲中城拂雲堆金河紫塞河自馬邑郡鄯陽縣流入有榆林關西有漢五原城河濱縣亦卽漢沙南縣地東臨河岸案以上並見袁宇記遼史所載略同而太祖神冊元年破後唐振武軍勝州之民皆趨河東州廢後石晉割地

復置勝州是遼之勝州先在河西後在河東故大同紀  
曰遼以唐勝州在河西乃加東字也唐泐勝州在河南  
按卽勝州爲明河套也杜佑李吉甫說甚明今黃河西  
來繞東受降城而南注其所經卽故東勝地在歸化城  
之西平魯縣西北口外有明玉林衛城亦與勝州相近  
云案舊志成於雍正十二年時歸化尙未設廳僅附見  
朔平府下歸氏所著雲中定襄二考附見大同忻州  
錄其豐勝二  
州考於此

歸化城 周三里許高三丈有奇南北二門年久坍塌康熙  
三十年土默特左右翼與六招刺麻台吉等於舊城南增建  
外城包東西南三面開四門東曰承恩西曰柔遠南曰歸化  
北曰建威俱建樓其上以舊南門爲鼓樓顏曰威固乾隆元  
年重修同治中更築土垣於新舊城外

緩遠城 周九里許高二丈九尺有奇雍正十三年新築乾隆二年工竣門四東曰得樹南曰仰日西曰控河北曰喬山門各有樓角樓亦四

道境 在省治北九百六十里

東西廣七百一十里南北袤四百九十里

東至直隸張家口界五百一十里 西至鄂爾多斯左翼後

旗界黃河岸二百里 南至朔平府右玉縣界三百里 北

至喀爾喀右翼界一百九十里 東南到大同府天鎮縣界

五百里 西南到甯武府偏關縣界黃河岸三百五十里

東北到四子部落界一百六十里 西北到烏拉特東旗界

二百二十里 自道治至

京師一千一百八十里

歸化城應

要缺  
衝繁疲難

鎮守歸化城副都統駐城內

戰國趙原陽邑漢雲中郡之陶林原陽北與武泉

莽曰四縣  
顧泉

及定襄郡之武泉

莽曰武泉

縣地其定襄中部都尉治武泉當今

應東境雲中東部都尉治陶林在應東南而中部都尉治北  
與則應治也後漢陶林武泉並省其三縣隸雲中如故漢末  
亦廢北魏爲雲中鎮之白道延和中於塞外置武川鎮景明  
中移於白道中溪在今畢齊克齊司之北孝昌中置中川縣  
隸朔州之廣前郡尋徙治并州界在今壽陽縣隋開皇四年  
居突厥沙鉢略於白道川仍於漢北與原陽故城置鎮屬雲  
州大業初屬定襄郡爲大利縣地唐爲振武軍金河縣地貞  
觀中嘗置雲中都督府於北境領突厥州五

合利州阿史那  
州綽州思壁州



州 隸單于大都護府後僑治於朔方縣其時豐州亦治漢朔方界又置天德軍於漢五原界五代初天德軍併入遼改應天軍徙其民於陰山南遂於此建豐州亦號應天軍尋改天德領富民振武二縣隸西京道卽今磨東五十五里之舊豐州城也金豐州仍治富民省振武爲鎮入焉皇統九年升爲天德總管府置天德尹大定元年復改天德軍節度十八年析置天山縣爲淨州治並隸西京路元隸大同路爲下州至元四年省富民縣及錄事司入州淨州仍治天山別爲淨州路明初並廢宣德元年復置豐州正統十四年又廢嘉靖中爲蒙古西土默特部長諸達駐牧建城於此後封順義王名所居爲歸化城

國朝因之雍正元年設理事同知廳駐西河隸朔平府乾隆

初增設協理通判一駐城一駐昆都倫六年設歸綏道以應  
及二協隸焉二十五年裁協理尋移同知駐城光緒十年改  
爲撫民同知廳編戶舊未分里凡四鄉三百一十二村

戰國策武靈王破原陽以爲騎邑遂胡服率騎入胡出於  
造遺之門踰九限之固絕五徑之險至胡中辟地千里

水經注芒干水

漢志作荒干此其  
音文今大黑河也

出塞外南逕鍾山山卽

陰山其水西南逕武泉縣王莽之永武也又南逕原陽縣  
故城西又西南與武泉水合

今小  
黑河

其水東出武泉縣之故

城西南卽王莽之所謂順泉者也水南流又西屈逕北輿  
縣故城南其水又西南入芒干水又西南逕白道南谷口  
有城在右縈帶長城背山而澤謂之白道城自城北出有  
高坂謂之白道嶺顧瞻左右山椒之上有垣若頽基焉沿

溪亘嶺東西無極疑趙靈王之所築也芒干水又西南逕

雲中城北白道中溪水注之

今克魯庫河

水發源武川北塞中

其水南流逕武川鎮城城以景明中築以禦北狄矣其水西南流厯谷逕魏帝行宮東世謂之阿計頭殿宮城在白道嶺北阜上其城同角而不方四門列觀城內惟臺殿而已其水又西南厯中溪出山西南流于雲中城北南注芒干水

太平記陰陽嶺在金河縣北一百四十里秦長城枕之卽

鄯陽嶺也武德四年平突厥置雲中都督府於此

案武德

觀雲中都督詳前唐書貞觀十五年薛延陀度漠南屯白道川據鄯陽嶺擊突厥可汗於定襄云時阿史那思摩方建牙於古定襄城也鄯陽嶺在白道川蓋卽水經之白道嶺今歸化城北三十里之吳公坊也唐金河縣卽古定襄在今和林格爾北二十里上冀州圖白道川當原陽鎮上城相距正一百四十里也

北地土白如石灰色遙去百里卽見之卽是陰山路也又

北與城鎮在縣北四十里漢右都尉治

案此二條太平記誤入之大同之雲

州又譌北與爲北學其云縣北四十里不言何縣以同

經成於隋大業時證之知原陽北與在當時皆爲鎮矣

遼史帝紀太祖神冊元年破朔州殺振武節度李嗣本自代北至河曲盡有其地五年攻天德降節度使宋瑀更軍名曰應天師未旋復叛俘瑀家屬徙其民於陰山以南

金志豐州下天德軍節度使遼嘗更軍名應天尋復金因之皇統九年升爲天德總管府置西北招討司以天德尹兼領之大定元年降爲天德軍節度使兼豐州管内觀察使以元管部族直徹軍馬公事並隸西南路招討司又淨州下刺史大定十八年以天山縣升爲豐州支郡刺史兼權觀察北至界八十里縣一天山舊爲椎場

案天山故縣當在山後喀

爾略右界今歸化城北百六七十里有土城蓋是方輿紀要謂在大同府西北四百里緣明志之誤以大青山爲天山也又云有砂井城亦誤砂井金屬東京在高麗界

謹案水經注芒干水所逕漢四縣以今河道地形考之約略可得陶林不見於注而爲雲中東部似與朔平府志所云城東南八十里古九原城爲近北輿在小黑河北爲今歸綏二城無疑寰宇記所云縣北四十里在唐惟金河一縣在隋亦止金河大利二縣其金河別屬勝州與唐縣異地或卽指大利而言似當時定襄郡治大利城亦在今城南渾津一帶與北輿相距正四十里也特單文孤證未敢確信括地志武泉在朔州北二百二十里爲今右玉縣地乃漢雁門非雲中郡界志蓋因景帝六年匈奴入雁門至武泉

度言之據酈法則在今哈爾沁口以東去朔州

及五百里矣自漢以後此地皆不置郡縣北魏諸鎮

雖嘗改州不久卽廢酈道元傳蕭宗以沃野懷柔

諸鎮並改焉州其郡縣戊名合準古城邑詔道至遼

始自河西徙置豐州於此而遼志旣誤以大同爲古

雲中遂取秦九原隋豐州唐天德之名虛加於此方

志多沿其謬顧氏景范因其不足信而並明統志遼

豐州在大同府西北四百二十里之說亦目爲誤則

過矣秦秦九原唐天德並在烏拉特部之西隋唐豐

州在今鄂爾多斯右翼後旗黃河東岸相距百

八十里顧氏以爲一地亦誤

應城

附郭

應城

東西廣一百八十里南北袤二百九十里

東至計卜齊察哈爾鑾藍旗牧廠界一百里 西至察蘇齊  
薩拉齊廳界一百一十里至薩拉齊廳治二百四十里 南  
至一間房和林格爾廳界一百里至和林格爾廳治一百二  
十里 北至麻胡塊喀爾喀右翼界一百八十里至達爾漢  
貝勒旗治二百五十里 東南到黑特拜往甯遠廳界七十  
里到甯遠廳治一百四十里 西南到三兩莊托克托廳界  
七十里到托克托廳治一百六十里 東北到速魯圖四子  
部落界一百八十里到四子部落旗治二百八十五里 西  
北到克里溝茂明安旗界二百五十里到茂明安旗治三百  
二十里

巡檢司一在城兼司獄一在畢齊克齊

鄉鎮

東鄉白塔爾

五十五里  
卽舊豐州

西鄉畢齊克齊

七十里 南

鄉西大河里三十 北鄉克克伊里根里九十

臺站 昆都倫站 舊站 在城北七十里西北九十里至烏蘭

呼拉克站 烏蘭呼拉克站 舊站 西北九十里至克楚站

克楚站 舊站 西七十里至茂明安旗察罕齊老圖站

蒙古站 在歸化城通烏拉特鄂爾多斯二部

驛遞 在歸化城見額遞馬十四匹馬夫五名

卡倫 北路鞏滾里二十 哈喇沁里三十 東北路鄂奇特里四十

西北路珂埒庫里八十 東路烏里雅蘇台里四十 東南路

和林格爾里八十

山後卡倫 色爾德恩 哈魯勒 哈刺托羅海 哈拉和

碩 鞏滾特克 庫特依 特勒木圖 克勒 哈布塔蓋

沙拉哈達 烏蘭呼都克 烏蘭諾爾 莫多沁 巴彥



布拉克

胡雅克圖

察罕庫圖勒

凡十六處嘉慶道光中積設於滿部境者道里

未詳附列於後

道徑

東經烏里雅蘇台卡倫至察哈爾界達張家口西經

察素齊至薩拉齊界達烏拉特部皆孔道也南經西大河至和林格爾界上土城古定襄道也爲入殺虎口舊道東南經東大河至甯遠界西溝門古參合陁也爲入殺虎口新道北由吳公孀踰大青山至吳公台東西胥迥藩部而西北直達新疆尤爲要衝舊由城至推河設三十餘站以昆都倫爲第一站云

綏遠城駐防

附

鎮守綏遠城將軍駐城內

漢雲中郡北與縣地北魏訖明並同歸化城

歸化城乾隆元年始於歸化城東北五里建新城四年自右衛  
移建威將軍來駐並設綏遠城理事同知二十八年土默特  
左右翼都統並裁以旗務歸將軍兼管仍設副都統二人協  
理分駐二城尋裁留歸化城一人仍隸將軍其旗民交涉之  
事則同知治之隸歸綏道

城池

見前

境至

同歸綏道

土默特旗輔國公駐歸綏界內

通考歸化城土默特東西距四百三里南北距三百七里  
東至四子部落界西至鄂爾多斯左翼前旗界南至山西  
邊城界北至哈爾哈右翼及茂明安界漢定襄雲中二郡  
地後漢屬雲中郡後魏初建都於此號盛樂城後置雲州

領盛樂雲中等郡隋復置定襄郡唐置單于大都護府後唐時入遼置豐州天德軍屬西京道金因之元屬大同路明宣德初築玉林雲川等城設兵戍守後爲蒙古所據嘉靖間小王子之族諸答駐牧豐州灘築城架屋以居謂之拜牲是爲西土默特屢分道入寇開拓疆土東至喀喇沁西至鄂爾多斯南至宣大有衆四十萬隆慶四年內附詔封爲順義王名其城曰歸化其弟姪支庶等各自爲部者凡六十五人各授都督指揮千百戶等官有差每年貢馬開市萬厯九年諳達子黃台吉襲王十三年黃台吉子格根汗襲王三十三年格根諸子互相爭襲部無定主三十四年格根之孫博碩克圖始受封如故事其後部落自相仇殺復爲察哈爾所侵及其子溫木布嗣立國遂衰破

本朝天聰八年

太宗文皇帝親征察哈爾駐蹕歸化城土默特部落悉降大軍  
既滅察哈爾

命貝勒岳脫駐守歸化城會其屬茂海潛與喀爾喀通偽稱  
溫木布爲錫圖根汗事覺誅茂海執溫木布以還崇德元  
年其酋古祿格等來朝

命偕溫木布還後編爲二旗卽以古祿格爲左翼都統杭高  
爲右翼都統並世襲後以土默特中無可任都統之人由  
京

簡用乾隆二十六年裁歸化城都統一人二十八年復裁一  
人以土默特歸駐劄綏遠城之建威將軍兼管仍設副都  
統二人一駐歸化城一駐綏遠城協同將軍管理 蒙古

王公功績表傳刺麻札布土默特人姓博爾濟古特元太祖十六世孫阿爾坦裔世居歸化城隸左翼乾隆二十年隨剿達瓦濟於伊犁敘功授一等台吉二十一年隨剿青衮咱卜捷聞

詔增設土默特一旗封刺麻札布爲輔國公授札薩克隸烏蘭察布盟四十九年

詔世襲罔替

謹案歸綏二城相距五里今則人煙輻湊市衢毗連二城之間幾無隙地故歸綏道名駐綏遠而道署實在歸化北門之外不異一城矣惟土默特雖列二十五部之內而本旗事均由將軍統轄與他部王公掌札薩克者不同其事必當附書又七廳理事皆改撫

民惟綏遠同知如故其職亦爲專重故別著之

薩拉齊廳

要缺  
衝繁疲難

戰國趙雲中九原地漢置威陽

莽曰

楨陵

莽曰

楨和

三縣

隸

雲中郡楨陵爲西部都尉治西境兼得五原郡之臨沃

莽曰

稠陽

莽曰

二縣地而五原東部都尉所治之稠陽城別在郡

西北非今廳境後漢省稠陽建安末諸縣並廢北魏爲懷朔

鎮之南境置塞泉城於河北又建講武臺廣德殿於陰山爲

諸帝時巡之所肅宗改懷朔鎮爲朔州於漢稠陽之石門障

置廣甯郡以石門中川二縣隸焉孝昌中州僑治并州界郡

縣並廢徙隋開皇四年置油雲縣於界內隸雲州二十年雲

州東徙大利城縣廢入金河隸勝州唐調露初置雲中守捉

城於單于府西北二百七十里卽今廳治也遼於其西置代

北雲朔招討司尋改爲雲內州治柔服縣建開遠軍節度開  
泰八年又置甯人縣屬焉隸西京道金仍爲節鎮州省甯人  
爲鎮皇統元年於州東置裕民縣尋廢大定十九年復置改  
爲雲川縣屬焉隸西京路元初省雲川至元四年又省州治  
之柔服縣及司候司入州隸大同路爲下州明洪武五年州  
廢宣德元年復置雲內縣屬豐州正統十四年又廢

國朝乾隆初設薩拉齊及善岱二協理通判六年隸歸綏道  
二十五年改理事廳裁善岱協理併入同治四年改設同知  
光緒十年改爲撫民同知廳編戶舊分四鄉凡二百二村

水經河水下又東過臨沃縣南

自九原縣來

注王莽之振武也

河水又東枝津出焉河水又東流石門水南注之水出石  
門障卽此山也西北趨光祿城城東北卽懷朔鎮城也其

水自障東南流逕臨沃城東東南注於河

今昆都倫河亦名黑河在包頭

集西烏拉特界

河水又東逕稻陽縣故城南王莽之固陰也地理

志曰自縣北出石門障河決其西南隅又東南枝津注焉

水上承大河於臨沃縣東流七十里北溉田南北二十里

注於河河水又東逕塞泉城而南注

案今河枝津二皆起後旗界內注所言乃

北津也起包頭鎮西南六十里至鎮東南五十里合於市津以注核之臨沃縣在鎮西烏拉特界內稻陽縣在鎮東

榆樹溝塞泉城則近應治矣

經又東過雲中楨陵縣南

又東過沙南縣北從縣東屈南過沙陵縣西注大河東逕

咸陽縣故城南王莽之資武也河水屈而流白渠水注之

案河白渠南二十里漸趨而南前注所云自塞泉城而南注也似北魏之城與漢成陽故城皆在今廳治間

注芒干水又西塞水出懷朔鎮東北芒中

芒亦荒之省文

南流逕廣德殿西山下余以太和十八年從高祖北巡屆



于陰山之講武臺自臺西出南上山山無樹木惟童阜耳  
卽廣德殿所在也云云其水厯谷南出山西南入芒干水

芒干水又西南注沙陵湖湖水西南入於河

案沙陵湖白

合流之總名卽唐之金河泊也今黑河黃水

河合流二十餘里自托克托北入河湖久涸河水南入楨

陵縣西北緣胡山厯沙南縣東北兩山二縣之間而出余

以太和中爲尙書郎從高祖北巡親所逕涉縣在西南王  
莽之楨陸也北去雲中一百二十里縣南六十許里有東  
西大山山西枕河河水南流脈水尋經殊乖川去之次似

非闕究也

元和志雲中守捉東南去單于府二百七十里調露中裴  
行儉破突厥置管兵七千七百人馬一千二百匹 遼史  
帝紀開泰六年七月辛酉西南路招討請置甯仁縣於勝

州案地理志作甯人屬雲內州據紀則初屬勝州方輿紀  
在州東南百五十里證之州治當在今廳西五十里沙附  
吉村而志乃云雲內州本中受降城有可致城大同川  
承濟橋搆雲堆是又唐之天德軍地矣案中受降  
城在今烏拉特西南黃河北岸距包頭鎮百餘里

方輿紀要雲內州城在大同府西北五百餘里九邊輯略  
云明宣德中置豐州及雲內等縣設官置戍正統間主帥  
宴樂於樓子塞致寇突入邊內於是玉林雲川等衛內徙  
而豐州雲內之民遷於應朔諸處云雲川廢縣本曷董館  
後升爲裕民縣尋廢大定中復置屬雲內州又改爲雲川  
案此縣當在歸化二廳界張鵬翮奉使日記距青冢十里  
有振武城廢址其地在歸化城西西南黑河之北去古豐州  
七十餘里疑即雲川故縣也文靖因有唐振武節度使墓  
碑目爲振武城而不知振武在古定襄距此尚百里也  
謹案漢志楨陵下云緣胡山在西北似卽指陰山黃  
河循山東行及五百里至縣乃屈而南故特係於此

作水經者亦詳著之先楨陵次沙南次沙陵所舉三縣皆在雲中以北道元注特加駁正先沙陵次楨陵沙南而謂緣胡在雲中以南雖證以目見然實誤也據隋圖經雲中城北至白道八十里南去通漠長城百里白道卽陰山通漠長城今清水河廳北山之舊邊也是雲中川南北山相距止百八十里今托克托齊克齊山口百十里南至紅河所遷之紅山口舊邊廣八十里古雲中城在廳東北其道里正相符道元謂楨陵北去雲中百二十里已在中陵川水之南二十里中陵川水卽紅河在清水河廳北四十里注於漢定襄郡之桐過及君子津皆在中陵川北而楨陵爲雲中屬縣反越川而南旣與郡縣部分不合而東西大山又在縣南六十里亦與漢志所云在縣西北者顯相乖異然道

元方自謂親所巡涉不應舛謬至此細推之當由道  
徑曲屈誤以百八十里南北距作三百餘里故君子  
津去雲中止百里而注以爲二百餘里意此縣此山  
尙在津北而不知封域所限無地以容之也故仍依  
經文次之醴拉齊界至棖陵後漢志作箕陵則傳寫  
之譌也又案穉陽有三史記魏惠王十九年築長城  
塞固陽爲魏上郡地在今河套內正義固陽有連山  
東至河在夏會等  
州漢志五原郡東部都尉治穉陽城爲秦九原西境  
在今烏刺特去此頗遠若鄜氏所舉之穉陽縣則確  
在廳境矣其犢和一縣前漢屬雲中後漢省據魏書  
帝紀泰常五年行幸騎犢山西至五原太安元年畋  
於犢倪山騎犢犢倪或是一山又有犢者似皆緣漢

縣而得名者地望在五原以東亦與廳界爲近姑類

次之

廳城

舊無

廳境 在道治西二百四十里

東西廣二百五十里南北袤一百里

東至多爾濟歸化城界一百二十里 西至鄂博口烏拉特

旗界一百里 南至黃河岸鄂爾多斯左翼後旗界二十里

北至後鄂博茂明安旗界八十里至旗治一百六十五里

東南到善岱村托克托廳界一百一十里到托克托廳治

一百五十里 西南到黃草窠黃河岸鄂爾多斯左翼後旗

界九十里 東北到白衡戈爾山茂明安旗界一百二十里

西北到後五當溝烏拉特旗界七十里到烏拉特旗治一

百里

兼轄鄂爾多斯左翼後旗地東西廣四百三十里南北袤二

百二十里東至托克托兼轄地界西至杭錦旗界南至

後套為古北取唐中西二受降地自河南徙地愈廣衍故道

皮津天威樂穆東西五六百里南北二百餘里之盛金開屯設

官數年之後生聚繁滋晉疆且益西開矣鑿金蒙古名才吉

拉特鎮界正唐天德軍地也

巡檢司一在廳治兼司獄一在包頭鎮

鄉鎮東鄉多爾濟一百二十里善岱一百一十里冒帶渡六十里西鄉

包頭鎮一百九十里黃草窠九十里

蒙古站 薩拉齊站在廳治通烏拉特部

驛遞 在廳治見額遞馬六匹馬夫三名

卡倫 北路蘇勒哲二十里 東北路特門庫珠一百里東至歸化城珂琦

庫十倫  
六十里

夏魯第五十里

西北路烏達

五十里

察罕鄂博

一百里

道徑東經托斯合爾八十里又四十里至察蘇齊入歸化城界西經沙爾吉五十里又五十里至包頭鎮胥坦途也由鎮西行道通甯夏北自榆樹溝踰山至山後諸部南自黃草窰渡河至套內諸部皆孔道亦要隘也

豐鎮廳

要缺  
繁疲雅

漢雁門郡彊陰縣之東境代郡且如縣之西境其代郡中部都尉治且如亦曰沮洳城今廳東豐川營北界也後漢省且如入當城仍隸代郡而移代郡治高柳爲高柳塞地五阮闕所在也漢末爲鮮卑所據北魏置旋鴻縣因如渾水爲名隸涼城郡在今廳北太和中置永固縣因方山石室爲名隸代郡在今廳南東魏天平中並寄治秀容界故地遂曠廢隋爲

馬邑郡縣內縣地唐爲雲州雲中縣地遼析雲中置奉義縣  
彝大同府金廢爲鎮入大同爲大同白登天成三縣之北境  
元爲大同路宣甯縣之東境與和路威甯縣之西境明大同  
及陽和天城二衛之邊外地

國朝康熙十四年遷察哈爾蒙古部衆分駐於此雍正十二  
年置豐川衛及鎮甯所設大朔理事通判統新設四衛所乾  
隆十五年改設豐鎮廳地入大同縣北境以大同府分駐陽  
高通判移治焉二十一年改理事通判定爲旗缺三十三年  
通判還駐陽高於大同府增設理事同知仍治焉光緒十年  
改撫民同知直隸歸綏道編戶舊分旗地民地牧地凡三百  
一十二村

漢志代郡有五原關且如中部都尉治又雁門郡疆陰諸



開澤在東北

諸開澤今代哈泊在甯遠

後漢書帝紀建武二十一年

十月遣伏波將軍馬援出塞擊烏桓

列傳援出高柳烏桓傳云出五阮關案五

阮關即五原關據說文字當作阮作阮者從山從阜可通也漢代郡二國常山關在南即飛狐岷五原關在北即高

柳塞也地鮮卑傳桓帝中檀石槐立庭於彈汗山歆仇水

當廳境上去高柳北三百餘里

案高柳今陽高縣彈汗山當在廳北察哈爾正紅旗界內

水經注灤水又東左得于延水口水出塞外柔元鎮西長

川城南小山東南流逕且如故城應劭曰當城西北四十

里有且如城故縣也

大同府志于延水即今東洋河也由察哈爾正黃旗五祿戶灘發源南逕

八戒營黑土臺屈而東逕張房營謂之二道河案此則柔

元鎮長川城並在旗界且如城則今廳東境矣魏書帝紀

神瑞六年七月辛丑泐城漢志節古注且音子如反是泐

如亦本字非泐文也又案寰宇記雲州東北至陽河曲三

百四十里即蕃界亦指今二又如渾水出涼城旋鴻縣西

南五十餘里東流逕故城南北俗謂之獨孤谷城水亦即

名焉東合旋鴻池水出旋鴻縣東山下水積成池北引

魚水水出魚溪南流注池云云西南流逕旋鴻縣南右合

如渾水是總二水之名矣

案御河源出廳北百四十里正紅旗界俗名壺盧海蒙古名奇

爾泊近人以當漢如渾水又東南流逕永固縣縣以太和

中因山堂之目以氏縣也

魏書帝紀太和五年四月行幸方山建永固石室於山上立碑

於石室之庭十四年十月葬文明太皇太后

后於永固陵案方山在廳南大同府界

大同府志廳境本蒙古察哈爾正黃正紅旗遊牧地其

南毗連民地者爲太僕寺牧廠雍正三年以地土開曠

招民墾種歸直隸張家口理事同知管理十三年經山

西巡撫覺羅石麟奏准於新平路邊外地名高廟子設

立豐川衛得勝路邊外地名衙門口設立鎮甯所隸大

同府乾隆十五年改設豐鎮廳以大同府分防陽高通

判移駐二十一年改爲旗缺三十年經察哈爾都統奏請將太僕寺空出牧廠餘地東起哈檀和碩西至寶巴爾台迤長二百餘里召民認墾三十三年改設同知

謹案廳境自元魏以後皆不建城邑府志所徵故縣惟威甯一縣金屬撫州元屬興和在今正黃旗南八十里與廳差近餘皆東四旗地

廳城 乾隆十八年大朔理事通判色明始築土垣周五百七十五丈東西南各開門以司啟閉二十一年設廳三十八年理事同知八格因舊垣展築周八百四十五丈高一丈厚五尺增闢五門曰東南曰東北曰西南曰西北而名南門曰永甯建樓其上加築甕城道光二十年同知興齡復展修之周一千六百七十三丈有奇加高一丈五尺北面因山砌石

應境 在道治東南三百二十里

東西廣二百三十里南北袤二百二十里

東至頭道溝直隸宣化府張家口廳界二百里至張家口廳

治三百八十里 西至壩樓溝甯遠廳界二十里至甯遠廳

治一百七十里 南至得勝口大同府大同縣界二十里至

大同縣治一百里 北至牧廠正紅旗察哈爾界二百里

東南到馬市口邊牆大同府天鎮縣界二百三十里到天鎮

縣治二百九十三里 西南到庫倫甯遠廳界二十五里

東北到牧廠正黃旗察哈爾界二百一十里 西北到正紅

旗界三十里

正黃旗察哈爾駐穆遜特格山東西廣一百里南北袤二百

八十里西半旗在廳東境

八旗正黃等四旗牧廠在察哈爾南今墾爲旗地

正紅旗察哈爾駐古爾班托羅海山東西廣五十五里南北

袤二百八十里在廳北境

太僕寺右翼牧廠舊在正紅旗南連廳治

巡檢司一在廳治兼司獄一在二道河一在張皋爾

鄉鎮

東鄉張皋爾

一百四十二道河一百八

高廟子二百大

莊科

一百一

四美莊

九十里

驛遞

在廳治見額遞馬六匹馬夫三名

舖遞

總舖在廳治

東路黑土臺

五十

大莊科一百一張

泉兒

一百七十里

舊有得勝榆洞孤店三舖通大同府

道徑

東經吉慶梁集賢莊大莊科平頂山張皋兒包家營

高廟子凡二百二十里至張家口界西經留雲窰保全莊凡

三十里至甯遠廳界南經三道台望城坡凡二十里至大同

府界北經澤潞溝湧月灣三祝審凡三十里至察哈爾正紅  
旗界四境平坦胥孔道也

清水河廳

要缺  
繁疲難

漢桐過

莽曰駱  
特桐駱遮

武成

莽曰桓就前漢志作武城以莽所改名蓋之當依後漢志爲是

縣地隸定襄郡後漢郡徙治善無縣隸如故建安末廢北魏  
爲代郡西部有大洛城昆新城道武初割其南境之臘汗山  
地方百里以封庫狄氏其後置尖山樹頽二縣蓋取樹頽水  
及山爲名也立神武郡以領之隸朔州孝昌之亂僞治并州  
界在今壽陽縣隋榆林郡金河縣之南境唐勝州河濱縣之  
東境有河濱關在今廳北卽古君子津也又有唐隆鎮亦曰  
唐龍在今廳南亦瀕河戍守地也遼於鎮置甯邊州不領縣  
隸西京道金初於州置鎮西軍正隆三年又置甯邊縣倚郭

隸西京路貞祐三年改隸嵐州節度四年升爲防禦州元至元二年廢以其地半入東勝州半入武州明洪武初置東勝衛千戶所永樂元年廢正統三年復置後又廢

國朝乾隆元年設協理通判六年隸歸綏道二十五年改理事廳光緒十年改爲撫民通判廳編戶凡四鄉二百九村

魏書帝紀永興五年自雲中太室西南巡諸部落遂南次定襄之大洛城東踰七嶺山田於善無川北史列傳庫狄干善無人曾祖越豆眷魏道武時以功割善無之西臘汗山百里以處之後遷朔方

水經河水下自沙陵來又南過赤城東又南過定襄桐過縣西

注定襄郡高帝六年置王莽之得降也桐過縣王莽更名

椅桐者也河水於二縣之間濟有君子之名案赤城在濟河西無考

在雲中城西南二百餘里

案二字當衍

河水又南左合一水河

水又南樹頽水注之水出東山西南流右合中陵川水

案中

陵川水今紅河古紫河也樹頽水即今清水河並出平魯

原邊內魏書列傳太延五年堽嶠犯塞侵及善無七介山

京師大駭長孫道生拒之吐頽山是樹頽水所出之東山

却此頽山也輿地志神武郡之殊頽縣皆一名今木白

平魯縣界西北流逕又樹頽水右合誥升袁水亂流西南

注分爲二水左水枝分南出北俗謂之大羅河右水西逕

故城南北俗謂之昆新城其水自城西南流注於河

新縣在樹頽水北與今廳城近太羅河疑是大洛蓋因漢

縣之門河也似涉牽混然可知漢縣在今廳南矣

元和志勝州下河濱縣黃河在縣東一十五步闊一里不

通船楫卽河濱關渡河處名君子津

一統志河濱縣在今

案此則君子津在今廳境水道提綱以爲卽胡

灘河朔非當是托克托城南六十里之刺麻灣

太平記



桐過縣城冀州圖云桐過城在郡西五十里漢爲縣卽中  
部都尉理所案漢書不注爲都尉治定襄郡前漢治成樂  
遠而樂史係之雲州雲中縣下參錯愈甚以水程注河於  
二縣間濟有君子之名該之縣當在廳北紅河一帶矣  
又府州東北至唐龍鎮一百五十里遼志甯邊州本唐  
隆鎮案府州今府谷縣東北一百五十里正今偏關河曲  
罷所建城邑必非偏關河曲  
地記或譌二百爲一百也

謹案漢定襄郡介雁門雲中間自東北迤而西南後  
漢徙郡治於殺虎口南原領之縣來屬者止桐過駱  
武成三縣證以水經注皆當在今廳境北爲相過南  
爲駱縣武成雖無考要亦去右玉平魯爲近其後隋  
築長城東環紫河而三縣悉在邊內蓋黃河繞受降  
城而南至此始再入山東西連嶺天然界限也明初

大遼徇傍今廳治後乃棄之於外而東勝遂不可復  
矣明史東勝五千戶所有失賚赤五花城幹魯忽奴  
燕只瓮吉刺皆洪武四年置今河曲有地名五花城  
或其一也

廳城

舊無

廳境 在道治西南二百六十里

東西廣一百三十五里南北袤一百四十里

東至黑台村和林格爾廳界七十里至和林格爾廳治一百

四十里 西至黃河岸鄂爾多斯左翼前旗界六十五里

南至紅門口甯武府偏關縣界八十里至偏關縣治一百八

十里 北至庫倫圖托克托廳界六十里至托克托廳治一

百二十里 東南到鎮川口朔平府平魯縣界九十里到平

魯縣治一百四十里 西南到黃河岸老牛灣口偏關縣界  
八十里 東北到刺庫倫圖和林格爾廳界八十里 西北  
到黃河岸刺麻灣托克托廳界七十里

兼轄鄂爾多斯左翼前旗地東西廣一百一十里南北袤八

十里

東至河 西至托克托兼轄地 南至  
偏關縣兼轄地 北至托克托兼轄地

巡檢司兼司獄在廳治

鄉鎮 東鄉富民莊二十五里

驛遞 在廳治見額遞馬二匹馬夫一名

道徑 東由碾房塢踰古長城凡三十里東北經石壁汛入  
托城和林兩廳界爲赴歸化城孔道西北經榆樹灣又西抵  
刺麻灣共七十里渡河爲赴甯夏衝途卽古君子津及河濱  
關也南九十里至邊牆東爲紅門市驢皮窰二口西爲老牛

灣口皆通偏關爲山蹊小徑

托克托廳

要缺  
衝疲難

古雲中城所在也戰國趙武靈王所築秦始皇十三年置雲

中郡漢因之領縣十一爲雲中

莽曰

沙陵

莽曰

陽壽

莽曰

三

縣地後漢省陽壽郡仍治雲中在今廳東北四十里建安二

十年併郡所領十一縣合爲一縣仍曰雲中隸新興郡其後

北魏嘗置雲中宮雲中郡雲中鎮又置雲州皆非今廳地隋

開皇三年置陽壽縣因漢縣爲名也又置榆關總管於縣界

尋改爲雲州總管十八年改陽壽曰金河因縣北金河泊爲

名也初隸雲州尋徙雲州治故定襄縣廢入勝州仁壽中復

置金河縣大業初隸榆林郡仍帶關而居義成公主於古雲

中城隋末地入突厥縣又廢唐貞觀四年突厥平以雲中城

居其部長阿史德禾微初置雲中都護府麟德元年改單于大都護府徙治定襄景龍元年築東受降城於單于府西南百二十里在今廳南天寶元年徙振武軍於城乾元元年升軍爲節度移治單于府元和中移東受降城於古雲中西五十五里之綏遠烽南在今廳北爲勝州榆林縣地仍隸振武軍五代初遼破振武徙勝州之民於河東其後遂置東勝州領榆林河濱二縣隸西京道金初建武興軍又置東勝縣爲州治隸西京路元爲下州至元二年省甯邊州以其地之半入州四年又省東勝縣並所置司候司入州隸大同路明洪武四年廢州置衛二十五年分爲左右中前後五衛尋併爲左右二衛今廳其左衛地又別置鎮魯衛於左衛東永樂元年並徙治北直畿內宣德元年鎮魯還故治正統三年復置

東勝衛以後仍廢而徙鎮舊衛於天城衛城嘉靖中蒙古西土默特部台吉駐牧名脫脫城又稱爲托克托城

國朝仍之乾隆元年設協理通判六年隸歸綏道二十五年改理事廳光緒十年改爲撫民通判廳編戶凡四鄉二百一十一村

水經注白渠水又西逕魏雲中宮南魏土地記曰雲中宮在雲中縣故城東四十里白渠水又西南逕雲中故城南故趙地云云白渠水又西北逕沙陵縣故城南王莽之希恩縣也其水西注沙陵湖

今黃水河自廳東三十里合於大黑河

又芒干水

又西南逕白道南云云芒干水又西南逕雲中城北白道中溪水注之云云芒干水又西塞水云云

文並見前

入芒干水

芒干水西南注沙陵湖湖水西南入於河

案今黑河入窟界後北入克魯魯

津河察蘇齊何自廳北五里入黃河雲中在廳東少北  
沙陵亦在廳北湖因之得名其陽壽一縣在廳南矣

唐書突厥傳雲中者義成公主所居也頡利滅李靖徙突厥  
厥靡破數百帳居之以阿史德爲之長

元和志勝州榆林縣金河泊在縣東北二十里周廻十里

索卽水徑注之沙段湖雲中故城在縣東北四十里趙雲中城秦雲

中郡也榆林關在縣東三十里東北臨河太平記作四十里南臨河是也

湖屬金河縣不屬榆林隋開皇三年於此置城設榆林關隋置榆林關

州總管卽治此城據府志今廳西黃河西五里許有古城其爲勝州城無疑然則榆林關當在今二道河以北金河

縣當在今河口鎮以南與唐初築之受降城或是一地其泊舊周二十里今則久湮無迹矣

方輿紀要雲中城在大同府西北四百餘里孔氏曰在唐

勝州東北四十七里龍朔三年置雲中都護府於此麟德

元年改單于都護府領金河一縣胡氏曰金河漢之雲中

郡城也在隋榆林郡城東北四十里自朔州至單于府凡

三百五十七里大歷八年徙治振武城舊城遂廢

案此說唐之

金河爲一其實隋金河在故雲中西南隋書楊帝亦金河東北至敗民帳時敗民與義成公主方居雲中也若唐之金河縣在單于府去朔州三百八十里入塞圖從平城西

北行五百里至雲中又冀州圖雲中城周十六里北去陰

山八十里南去通漠長城百里謬

案此兩書於今地形道里頗合通鑑注自謬也

東勝州在大同府西五百里續通考遼太祖破振武軍

故勝州之民皆趨河東勝州遂廢石晉割代北地獻遼乃

置東勝州榆林縣故勝州治也杜佑曰榆林漢沙南縣地

屬雲中郡後漢末廢隋開皇六年置榆林縣尋爲勝州治

唐因之契丹置東勝州縣亦遷治焉

歸綏識略黑城在托克托城東北五十五里

案在托克托城東南非



史所謂黑城也據九邊圖明置  
鎮魯衛於東勝左衛東當在此

謹案遼志東勝州領榆林河濱二縣金志東勝州國  
初置武興軍有古東勝城領縣一東勝鎮一甯化元  
志東勝州唐築東受降城後徙置綏遠烽南卽今東  
勝州是也據志則遼金元州治皆在東受降城故地  
遼之州蓋與甯邊州郭下皆不置縣而兼領河西之  
二縣金初河西地入西夏始置東勝縣爲州治也志  
云有古東勝城當是古東受降城之謫其甯化鎮亦  
甯仁之謫遼置甯仁縣本屬勝州又改屬雲內金廢  
爲鎮以屬東勝據遼紀縣置於開泰六年時尚云勝  
州則東勝立州更在開泰以後去金初百年安得云  
古東勝州城乎且金但置東勝縣其州治未嘗他徙

安得更有一東勝州城乎其爲誘文燦然一統志故  
東勝州在歸化城西南一百四十五里亦以東受降  
城當之歸綏識略云東城當在薩拉齊托克托界二  
道河間今以唐勝州卽河西五里之古城核之似隋  
之榆林關唐之受降城綏遠烽皆與二道河近在今  
廳北二十里而明之東勝右衛當卽河西之古城其  
左衛當卽今廳則謂托克托城爲舊東勝州以金志  
及明志州東北有黑河證之又未爲不合也議略云  
塞上上  
人每見舊城輒以受降目之亦未敢遽謂非是因唐  
東西中三城徒置不一而漢武帝太初元年所築受  
降城應代地理書俱未之言及也此間自秦漢以來  
古郡縣有名無蹟者衆矣茲有蹟無名者亦無慮十  
餘城鎮垣廢  
堞所在皆是

又柔雲中郡縣徙置不一大要漢以前皆在今廳唐

以後則今大同也

魏武所置之縣在今忻崞界後魏置郡置宮置鎮在今和林格爾其

僑治之郡在今文水縣後周始於大同置雲州之

中縣唐開元穆之天寶改雲州爲雲中郡雲州之名始於後魏惟隋初置總管於榆關在應境以後皆

不治此

後魏與郡同徙唐初治河濱後徙和林格爾又徙大同

唐雲中都護府

本置於古雲中其都督府以及隋之雲內縣遼之雲

內州則始終於此無涉若雲陽雲川亦沿雲中而名

而始於後魏亦不得以古雲中概之也

地形志雲中郡領延民雲

陽二縣永熙中置帝紀太和十八年李陰山觀元和

雲川雲川蓋即大黑河金始於曷董館置縣志惟誤以單于臺入之唐雲州寰宇記則凡白道金

河紫塞陰山原陽北與桐過武進雲中宮君子津無

不繫之大同遼志竟直以大同爲古雲中矣

應城

卽脫脫城明嘉靖中俺答義于恰台吉名脫脫駐牧

此城故名周圍約十里許今頽廢不完

廳境 在道治西南一百六十里

東西廣八十五里南北袤一百三十里

東至甲懶爾和林格爾廳界七十里至廳治一百四十里

西至黃河岸鄂爾多斯左翼後旗界五里 南至石壁汎清

水河廳界七十里至廳治一百二十里 北至三兩莊歸化

城廳界八十里至廳治一百六十里 東南到飯舖塢和林

格爾清水河兩廳界並七十里 西南到刺麻灣渡清水河

廳界六十里 東北到西白塔爾歸化城廳界七十里 西

北到善岱村薩拉齊廳界四十里到廳治一百五十里

兼轄鄂爾多斯左翼後旗地東西廣一百三十里南北袤一

百五十里

東至河 西至中旗界 南至清水河  
兼轄地 北至薩拉齊廳兼轄地

巡檢司兼司獄在廳城

鄉鎮 西鄉河口鎮二里

驛遞 在廳城見領遞馬四匹馬夫二名

道徑 東由甲獺爾通殺虎口西由河口鎮南由刺麻灣渡  
河胥通甯夏北經白塔爾達歸化城西北經二道河至祝樂  
沁達薩拉齊四面平坦皆孔道也

甯遠廳

安缺  
衛拔難

漢沃陽

莽曰  
教陽

彊陰

莽曰  
伏陰

二縣隸雁門郡北境兼得定襄郡之

襄陰武要

莽曰  
厭胡

諸縣地其武要爲定襄東部都尉治與今歸

化城及察哈爾牧廠界沃陽故縣亦在和林格爾境內而都  
尉城與鹽澤長丞之所治則皆今廳境也後漢並省惟彊陰  
仍隸雁門郡在今大小海間所謂參合陂也晉太康二年拓

跋倚也統所部居陂北其後北魏道武天興元年定爲代都

義內同隸司州代尹後置參合縣卽今廳治也此與漢參合

縣在今陽高又置涼城郡領參合及旋鴻二縣卽今廳東北

之涼城也又置沃陽縣於漢故城之東別隸善無郡東魏天

平二年並寄治秀容界唐貞觀二十三年分定襄都督部置

桑乾都督府於此以突厥酋長領之統郁射藝失卑失叱略

四州隸軍于大都護府後僑治朔方縣今陝西榆林遼析雲中

之西德店置德州治宣德縣隸西京道金省州改縣曰宣甯

元仍爲宣甯縣地隸大同路明洪武四年廢縣置宣德衛後

又廢爲大同邊外地

國朝康熙十四年遷察哈爾部衆分駐於此雍正十二年置

甯朔衛及懷遠所設大朔理事通判治之乾隆十五年裁衛

所併為甯遠廳屬右玉縣北境以朔平府通判移治焉二十一年改理事通判光緒十年改為撫民通判廳直隸歸綏道編戶凡四鄉九十九村

水經注中陵水又北分為二水 案上文此文水西出峽入中陵水峽即今殺虎口也

一水東北流謂之沃水又東逕沃陽縣故城南北俗謂之

可不壅城王莽之敬陽也 案此城在和林格爾界內 又東北逕沃陽城

東 案此城為北魏之縣在靈界 又東合可不壅水水出東南六十里山

下西北流注沃水沃水又東逕參合縣南 可不壅水今甯遠河出廳東南

西流逕廳南其云合沃水東流則無考 魏因參合陁以即名也北俗謂之蒼

鶴陁道出其中亦謂之參合口陁在縣之西北 案即今魏西溝門

立縣以隸涼城郡西去沃陽縣故城二十里縣北十里有

都尉城地理志曰沃陽縣西部都尉治者也北俗謂之阿

養城沃水又東北流注鹽池地理志鹽澤在東北者也今

小海在鹽東北十里許

今鹽池西南去沃陽縣故城六十五里池水

激停淵而不流東西三十里南北二十里池北七里卽涼

城郡治池西有舊城俗謂之涼城也郡取名焉地理志曰

澤有長丞此城卽長丞所治也戴氏震曰漢官制有令有

都鹽官也今鹽池在長丞所治也長令長皆有丞案此長丞

在今鹽池北十五里方輿紀要助馬堡邊外涼城兒一帶卽

寫都城也太平記雲州東至桑乾都督帳一百五十里案

州乃唐初置於古定襄城者樂史誤係之大同方志據之

代郡之古縣尤謬唐志桑乾都督府臨治朔方

大同府志宣甯廢縣在府西北八十里拒牆堡

甯遠志雍正十二年議准將張家口察哈爾西四旗

自東迤西首陽河口新平口錢裏門鎮宏口鎮川口得



勝口拒牆口拒門口助馬口甯魯口威魯口史家口殘  
虎口殺虎口止十四口分歸晉省於適中之地得勝口  
設立蒙古理事通判一員駐正紅旗之新城子灣地管  
理蒙古民人交涉事件又於陽河口外迤西至拒牆口  
止共七口地方分隸大同府於新平口三十里正紅旗  
高廟子設立豐川衛守備一員得勝口二十里正紅旗  
新城子灣設立鎮甯所千總一員拒門口外迤西至殺  
虎口止共七口地方分隸朔平府於助馬口外二十里  
正紅旗後營子設立懷遠所千總一員殺虎口外六十  
里鎮藍旗高兒免設立甯朔衛守備一員十五年裁衛  
所將大同府通判移駐豐川衛朔平府通判移駐甯朔  
衛二十一年並改理事通判定爲旗缺

謹案地形志恆州梁城郡當依水經注作涼城當時郡縣異治鄭氏所言城邑按里求之約略可得惟水道順逆與今不同耳漢志彊陰縣下云諸聞澤在東北今應東百二十里之代哈泊也魏書所言參合陂當統鹽池及此澤而言鄭注不詳殆卽如渾水下所言涼川城之南池俗名乞伏袁池者當時蓋爲旋鴻縣地也魏書帝紀太祖天賜三年幸材山宮遂至青牛山西登武要北原觀九十九泉府志九十九泉卽黑河源案其地去歸化城百餘里在察哈爾牧廠界內奉使日記葉不孫郭爾地稍平衍土人云心肺二山相連有九十九泉池案史元太宗嘗避暑於此其泉發源官山流爲黑河又行十里有土城名巴爾蘇台傍有方山峻嶺俯瞰城下云云案記此城在古豐州東北十里似卽漢武要故縣今廳以北得正藍鑲藍兩旗全地

皆古定襄之北境也襄陰當因定襄而得名故與武  
要並繫於廳其都武安陶復陸三縣則不可考矣

廳城 本甯朔衛蒙古名哈爾圖舊無城

廳境 在道治東南一百四十里

東西廣一百八十里南北袤二百九十里

東至永興梁豐鎮廳界一百五十里至豐鎮廳治一百七十

里 西至韭菜背和林格爾廳界三十里 南至甯魯堡邊

牆左雲縣界三十里至左雲縣治七十里 北至牧廠鑲藍

旗察哈爾界二百六十里 東南到馬家庫倫豐鎮廳界一

百四十里 西南到察罕鋪和林格爾廳界三十里到右玉

縣殺虎口六十里到右玉縣治八十里 東北到牧廠正藍

旗界一百五十里 西北至到倒拉蘇和林格爾廳界六十

里到和林格爾應治一百六十里

鑲紅旗察哈爾駐布林泉東西廣五十里南北袤二百九十里在應東境

鑲藍旗察哈爾駐巴漢刺喀山東西廣一百十五里南北袤一百六十里在應北境

巡檢司一在應治兼司獄一在科布爾

鄉鎮 東鄉後營子一百里 北鄉科布爾二百五十里

驛遞 在應治見額選馬十四匹馬夫五名

道徑 東經代哈昭至吉慶梁百三十里入豐鎮道通張家口西經察罕營三十里又三十里抵殺虎口西北由石匣子路六十里至西溝門通歸化城皆孔道也而石匣爲古參合陁道當衝隘南經後營子入拒門口邊北經豐旺莊一百里

又北百餘里抵界壕亦非坦途

和林格爾廳

要缺繁波雜

古定襄郡所在也漢高帝十二年始析雲中郡置領十二縣

今廳爲成樂武進

莽曰定襄

莽曰三縣南境兼得雁門郡之

沃陽縣地其西部都尉治武進在今廳東成樂則郡所治卽

今廳北二十里之古城也後漢郡徙治善無省沃陽以三縣

改隸雲中郡建武中封趙慮於武進爲侯國漢末縣並廢魏

甘露二年拓跋力微始居盛樂卽成樂也晉永嘉四年力微

孫猗盧封代始築城爲代北都咸康四年力微裔孫騎槐又

築新城於故城東南十里明年其弟什翼犍卽代王位仍於

故城南八里築城都之名曰雲中大元元年爲苻秦所併國

分爲二自河以東屬單于劉庫仁道武登國元年遷劉氏復

故地天興元年改代曰魏徙都平城而以故都爲雲中郡後  
改爲鎮立朔州與鎮並治孝昌之亂改曰雲州置盛樂郡領  
歸順遷安二縣爲州治而以其西四十里之雲中宮爲雲中  
郡領延民雲陽二縣永熙中寄治并州界在今文水縣北齊  
於此置紫河鎮隋開皇四年爲突厥沙鉢略可汗所居十八  
年又築大利城以居其子啟民可汗自榆林關徙雲州總管  
府治之大業初府廢改州爲定襄郡立大利縣爲郡治隋末  
郡縣並廢唐貞觀四年平突厥分其部左置定襄都督府右  
置雲中都督府仍於此置雲州及定襄縣十四年徙治故北  
恆州卽今大同府也其年復立突厥阿史那思摩爲可汗建  
牙故城尋罷麟德元年更名雲中都護府爲單于大都護府  
來治垂拱二年府廢爲鎮守使所領突厥府州並僑治朔方

境開元中復改單于鎮守使爲單于大都護府天寶四年置  
金河縣於府內以隸朔方節度屬開內道乾元元年置振武  
軍節度使領都護府及麟勝二州會昌初罷領都護府天祐  
十三年地入於遼軍徙朔州遼改金河爲振武縣隸豐州金  
省入州治之富民縣爲鎮元至元三年置平地縣於今廳南  
隸大同路明洪武中廢二十六年置玉林雲川二衛隸大同  
都司永樂元年徙置北直畿內宣德元年復置正統十四年  
徙玉林衛於大同右衛雲川衛於大同左衛其後爲蒙古西  
土默特部駐牧

國朝康熙中置站日二十家子蒙古語和林格爾也乾隆元  
年設協理通判怡之六年隸歸綏道二十五年改理事廳光  
緒十年改爲撫民通判廳編戶未設里甲分爲八路凡二百

二十八村

水經注白渠水出塞外西逕定襄武進縣故城北西部都

尉治王莽更名伐蠻世祖建武中封趙慮爲侯國也武

晉故城在雲中縣東一百四十里漢西部都尉理所也案

故城在歸化城土野特境以注考之今黃水河出甯遠廳

北經靈旗界西南流自西溝門出山入廳境似故縣城在

土然特東則請以北地以定襄縣統志云在白渠水西北逕

成樂城北云云白渠水又西逕魏雲中宮南云云文並

方輿紀要定襄城在朔州北三百八十里史記正義引括

至殺虎口二百六十里又一百里至和林格爾又二十里

至土城正合也元和志通典並作三百七十里諸家皆誤以東受降

及張武軍早于府爲同治定襄城遂三五互訛而東城與

受降城在托克托城北去此又百餘里括地志漢置定襄郡於此北魏之雲中郡也城東四十里有後魏雲中宮



隋開皇五年置雲州總管府十九年改立突厥突利爲意

利珍定啟民可汗於朔州築大利城以處之案朔州當大

業初改置定襄郡治大利縣案隋初居突厥於白道川在

南隋書沙鉢略入貢遣至紫河鎮牙帳爲火所焚是也文

帝居其子啟民於大利城煬帝改郡置縣文徙帳於古雲

中城唐書雲中者義武德二年突厥入據定襄貞觀三年

李靖襲破突厥於定襄是也十四年遷定襄於恆安鎮此

城遂廢唐紀貞觀十三年復立突厥阿史那思摩爲可汗

使統其部衆十五年思摩始建牙於故定襄城卽此城也

亦謂之北定襄其地南大河北白道畜牧廣衍爲龍荒最

壤

歸綏識略玉林故城在今和林格爾境或作榆林誤案

城在殺虎口紅城在黑城東六十五里城垣俱存周圍

十里

案水道提綱謂之烏爾巴爾哈孫城蒙古語也據九邊圖雲川衛在鎮魯衛東黑城爲鎮魯衛此城

常爲雲川衛矣

今和林格爾有上下土城相距五里下城較上

城微小俱未知何名雲川城疑卽在是

案上土城在應北二十三里西

距托克托之黑城正六十五里卽爲紅城無疑凡古之盛樂定襄皆當在此二城不第爲明之雲川衛矣

謹案今紅河古中陵水自殺虎口北入應境行二百

餘里入大河隋書所謂紫河也其紫河鎮在應南

宣德縣高齊紫河鎮誤宣德今大同之拒磨堡今黃

水河古白渠水自西溝門西入應境行百餘里合於

黑河唐志所謂金河也其金河縣在應北

案與隋金河縣異地

被屈勝州在古雲中境此爲振武軍單于府治在古定襄城也元平地縣方輿紀要

在大同西北五百里東有石碓山今歸化城西四十

里有山名石碓又元志平地本名平地裊嘗併入豐

州似故縣在歸化城迤西矣然據金志宣帝有彌陀山石磔山今在左雲邊外則此縣仍當近殺虎口故以隸之大同明志雲川衛東距行都司三百十里似與紫河鎮及平地縣近

金雲內州有雲川縣元廢明初置衛雖襲其名而非一地

玉林衛東距行都司二百四十里似與漢沃陽縣近又案漢定襄郡縣異治東漢郡徙而縣存漢末並廢魏武併郡屬五縣合爲一縣隸新興郡爲今定襄立縣之始隋大業復古郡名唐貞觀復古縣名皆不久或廢或徙而大同之名定襄自太宗庚子至高宗癸未不四十年而亦廢獨忻州之縣自漢末至今猶襲

舊名

應城

舊無

應境 在道治東南一百二十里

東西廣一百七十里南北袤一百八十里

東至西溝門甯遠廳界一百里至甯遠廳治一百六十里

西至缸房村托克托廳界七十里至托克托廳治一百三十

里南至殺虎口外八十家子朔平府右玉縣界一百里至

右玉縣治一百二十里北至一間房歸化城廳界三十里

至歸化城廳治一百二十里東南到大坡底甯遠廳界九

十里西南到庫倫圖清水河廳界六十里到清水河廳治

一百四十里東北到倒拉板甲歸化城廳界七十里西

北到馬羣溝托克托廳界五十里

巡檢司兼司獄在廳治

鄉鎮 北鄉上土城二十里

南鄉新店鎮六十里

蒙古站 八十家子在廳南殺虎口外爲第一站二十家子在廳治  
並通烏拉特鄂爾多斯土默特三部

驛遞 在廳治見額遞馬四匹馬夫二名

道徑 北經上下土城二十三里又五里入歸化城界南經  
九龍舖五定汛新店鎮六十里又四十里至八十家子入殺  
虎口爲衝途蒙古貢道所必由也西北經方丈溝韭菜溝三  
十里又三十里至甲壩爾入托城界以通河套東北由土城  
經克略雅達水至西溝門八十里又二十里至倒拉蘇入甯  
遠廳界以達張家口胥孔道也

右歸綏道七廳